

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu čl. 25. i 74. Statuta Općine Centar Sarajevo – prečišćeni tekst („Službene novine Kantona Sarajevo“, broj 23/04), člana 13. Odluke o izvršavanju Budžeta Općine Centar Sarajevo za 2025. godinu („Službene novine Kantona Sarajevo“, br. 06/25, 10/25, 27/25 i broj 01-11-5726/25 od 25.09.2025. godine), člana 7. Pravilnika o dodjeli novčanog podsticaja za kupovinu stočne hrane broj: 16-11-5635/25 od 07.10.2025.godine i Odluke o pokretanju postupka raspisivanja i provođenja javnog poziva broj: 16-11-5635/25 od 07.10.2025.godine, Općinski načelnik Općine Centar Sarajevo, objavljuje

JAVNI POZIV

za dodjelu novčanih podsticaja za kupovinu stočne hrane

I PREDMET JAVNOG POZIVA

Predmet Javnog poziva je prikupljanje zahtjeva i finansijska podrška poljoprivrednim proizvođačima koji se bave uzgojem stoke na području Općine Centar Sarajevo.

II PRAVO UČEŠĆA

Pravo na učešće po Javnom pozivu imaju fizička lica i obrtnici koji imaju prebivalište/sjedište na području Općine Centar a koji su upisani u RPG i RK (Registar poljoprivrednih gazdinstava i Registar klijenata) i RP (Registar pčelara koji se odnosi samo na pčelare) sa izvršenim ažuriranjem u tekućoj godini, a koji se bave animalnom proizvodnjom na području Općine Centar Sarajevo.

III ODOBRAVANJE SREDSTAVA I ROK U KOJEM SE PRAVO NA DODJELU SREDSTAVA MOŽE OSTVARITI

Sredstva za realizaciju Projekta planirana su u Budžetu Općine Centar za 2025.godinu u iznosu od 60.000 KM.
Sredstva koja se dodjeljuju ne predstavljaju državnu pomoć u smislu Zakona o sistemu državne pomoći.
Javni poziv obuhvata dodjelu novčanih podsticaja za kupovinu stočne hrane po kategorijama kako slijedi:

R / b	Animalna proizvodnja	Novčani iznos podsticaja (fizička lica)	Novčani iznos podsticaja (obrti i žene fizička lica)	Najmanje norme za podsticaj
1.	Uzgoj krupne stoke	100 KM/grlu	120 KM/grlu	min. 2 grla
2.	Uzgoj sitne stoke	16 KM/grlu	18 KM/grlu	min. 30 grla
3.	Farma koka nosilja	200 koka nosilja-200KM	200 koka nosilja-220 KM	min. 200 koka
4.	Uzgoj i držanje pčelinjih društava	13 KM/pčelinje društvo	15 KM/pčelinje društvo	min. 30 pč.društava

Podnosilac zahtjeva prilikom predaje zahtjeva može ostvariti novčani podsticaj **za sve kategorije** kako je navedeno u tabeli shodno broju grla stoke koju posjeduje i za koje dostavi potvrde o provedenim veterinarskim mjerama (Prilog V).

IV USLOVI ZA DODJELU STOČNE HRANE

Uslovi koje kandidat treba da ispunjava:

- 1) Da podnosilac zahtjeva, fizičko lice ima stalno prebivalište i drži stoku na području Općine Centar Sarajevo;
- 2) Da je vlasnik obrta registrovan za obavljanje poljoprivredne djelatnosti sa sjedištem na području Općine Centar i drži stoku na području Općine Centar;
- 3) Da je podnosilac zahtjeva upisan u Registar poljoprivrednih gazdinstava i Registar klijenata, kao i Registar pčelara (samo za pčelare) u nadležnoj Službi Općine Centar Sarajevo i da je izvršio ažuriranje podataka u tekućoj godini;
- 4) Da podnosilac zahtjeva ima potvrdu o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo (obrazac V iz tekuće godine);
- 5) Da je podnosilac zahtjeva dostavio izvještaj o namjenskom utrošku sredstava za isti podsticaj iz prethodne godine;
- 6) Da podnosilac zahtjeva ima otvoren i aktivan račun u banci.

NAPOMENA: Kandidati koji nisu u mogućnosti dostaviti potpunu prijavu u predviđenom roku obavezni su u momentu podnošenja prijave učiniti izvjesnim razloge zbog kojih nisu bili u mogućnosti podnijeti potpunu prijavu. U navedenom slučaju, cijeneći navedene razloge, kandidatu može biti određen naknadni rok za upotpunu prijavu.

V SADRŽAJ POTREBNE DOKUMENTACIJE

Potrebna dokumentacija:

- 1) Popunjen i potpisan prijavni obrazac – zahtjev (potpisan od podnosioca zahtjeva);
- 2) Potvrda o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo (obrazac V iz tekuće godine);
- 3) Dokaz o otvorenom i aktivnom računu u banci (ne stariji od 6 mjeseci);
- 4) Uvjerenje o izmirenim poreskim obavezama za tekuću godinu za podnosioca zahtjeva koji imaju registrovanu poljoprivrednu djelatnost.

Dokumenti koji se prilažu moraju biti originali ili ovjerene kopije.

Prijavni obrazac se može preuzeti na info pultu Općine Centar i na sljedećem linku:

<http://www.centar.ba/stranica/javni-pozivi-euprava>

VI NAČIN I ROK ZA PODNOŠENJE ZAHTJEVA

Javni poziv ostaje otvoren 15 (petnaest) dana od dana objavljivanja Javnog poziva u dnevnom listu, web stranici, oglasnoj ploči Općine Centar i oglasnim pločama mjesnih zajednica Općine Centar na kojima je dozvoljeno držanje stoke.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

<p style="text-align: center;">Općina Centar Sarajevo Mis Irbina 1 71000 Sarajevo Sa naznakom „Javni poziv za dodjelu novčanih podsticaja za kupovinu stočne hrane“ „NE OTVARAJ“</p>

Komisija će biti imenovana iz reda državnih službenika, a svaki član Komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa. Konačnu odluku o dodjeli sredstva za sufinansiranje nabavke nove poljoprivredne mehanizacije donosi Općinski načelnik, a u skladu sa važećom Odlukom o izvršavanju budžeta Općine.

VII PRAVO PRIGOVORA

Podnosioci zahtjeva mogu u roku od osam dana od dana objavljivanja preliminarne liste podnijeti pismeni prigovor Komisiji za razmatranje prigovora koju imenuje općinski načelnik iz reda državnih službenika. Odluku o prigovoru, Komisija će donijeti u istom roku, računajući od dana njegovog podnošenja. Nakon okončanog postupka po prigovorima Općinski načelnik donosi konačnu odluku, na osnovu koje se izrađuju Ugovori o raspodjeli sredstva. Na osnovu Ugovora nadležna služba za finansije vrši isplatu sredstava.

Neblagovremeni zahtjevi /prijave neće biti razmatrane.

VIII OSTALE ODREDBE

Općina Centar Sarajevo ne snosi nikakve troškove u postupku prikupljanja i podnošenja prijave na Javni poziv. Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja.

Prispjela dokumentacija se ne vraća podnosiocu.

Sve dodatne informacije u vezi Javnog poziva mogu se dobiti na tel. 033/562-512, ili na e-mail: ajla.hadzalic@centar.ba

Općinski načelnik

Srđan Mandić

